



先秦 — 清末民初

中國野史集成

續編

錢謙題



中國野史集成·續編編委會
四川大學圖書館編

巴蜀書社

中國野史集成·續編編委會
四川大學圖書館 編

·先秦——清末民初·

中國野史集成續編

5

巴蜀書社·中國·成都

目 錄 (第五冊)

三朝北盟會編

卷一九一—二五〇(止) 一

三朝北盟會編

卷二九—卷二五〇

欽定四庫全書

三朝北盟會編卷一百十九

宋 徐夢莘 撰

炎興下映

起建炎二年十一月盡十二月十一日辛未

十一月苗傅劉正彥以兵八千扈衛隆祐太后六宮駐

杭州是時邊報不一上命苗傅劉正彥帥師扈六宮南

渡至錢塘傳為御營都統制正彥副之劉晏所統赤心

欽定四庫全書

三朝北盟會編
卷一百十九

隊猶隸麾下傳與正彥皆陝西人傳父禮正彥父發皆

為西邊良將傳隨梁揚祖信德府來勤王為右軍統制

上即位御營司後軍統制正彥少為文資宣和間劉光

世薦其才得換武職傳拙直不能曲奉內侍故多譖之

者正彥來上方畧故被選用

十二日壬辰金人陷延安府正月金人陷延安府東城

而西城堅守未下金人知曲端與王庶不協乃併力攻

廊延康定王宗尹不能禦庶在坊州聞金人兵至康定

連夜趨鄜延以過其前金人詭道陷丹州界於鄜延之間庶乃自當鄜州來路遣龐世才鄭恩當延安來路時端盡統涇原精兵五萬駐淳化月餘不動日移文趣其進兵遣使臣進士十數輩往說諭端併兵鄜延無益不如以計困之兵法所謂攻其必救乃遣吳玠攻華州端自攻蒲城縣華州蒲城皆為守兵玠援華州端不攻蒲城復與玠合兵歸襄樂屬環慶在深山中去金人五百里天大雪寒甚金人攻世才世才與戰兵不用命乃敗

欽定四庫全書

三朝北盟會編
卷一百十九

自此金人遂專圍延安西城日夜攻擊不息庶自收散亡援延安比至甘泉而延安陷權知延安府劉洪及總管馬政出奔初玠援鄜州聞延安已陷即復回興元金人大肆殺掠遂東趨河上如欲渡河稍北近綏德軍庶自劾待罪 別錄曰十一月壬辰敵陷延安初鄜延經畧使王庶屢戰有功聞敵自熙河敗回仍檄諸路不應又移書謝亮以率諸帥亮又不從既而詔除庶節制六路兵擊敗於鄜延耀州諸路又為敵謀知遂破延安 王

庶奔於曲端軍中奪其制置使印王庶既失延安固知所措倉皇未有歸念惟有曲端在襄樂雖素不相協然勤王事則自有公議且曰捨端吾何歸乃率官屬馳驅至襄樂造端之壁端號令甚嚴叩其壁者雖貴亦不敢馳庶既至端令每入一門減其從人之半及至帳下僅有從兵一二已端設軍容見庶庶惶懼戰慄端數其失延安之罪詞色俱厲庶僅能言自劾見待罪端遂取制置使印犒禮隨行其從人迫庶還鄜延盡拘縻其官屬

欽定四庫全書

三朝北盟會編
卷一百十九

十五日乙未金人陷濮州金人圍濮州知州楊粹中固守之金人力擊之者三十二日自西北角登城守陴者不能當城遂陷粹中登浮屠最高級不下金人惜其忠義許以不死粹中乃下粹中真定府人金人以不歸附城中無少長良賤大肆殺戮仍火焚其廬舍俱盡 金人陷開德府金人攻開德府王某守其城金人以文字至城下呼曰王某有文字來歸附大金故我來此汝百姓何敢拒師軍民信之欲殺知府知府走南門未出城

為軍民蹂踐而死金人入城怒其拒戰殺戮無孑遺紹興九年復得河南地惟開德府城中無一戶舊居土人金人陷相州金人圍相州久糧食皆盡猶堅守未下趙縣丞者不字行宗室也權知州事人呼為安撫者趙安撫與軍民議曰食已盡人皆食啗外無救援安可久乎某乃國家宗室豈有順敵諸人當自為計眾皆不應趙安撫曰約降如何雖眾悽慘然有唯唯者趙安撫知其意乃登城樓遙謂金人請開門投拜乞不殺金人許欽定四庫全書

三朝北盟會編
卷一百十九

之趙安撫乃具降書開城而自推其家屬入一井中然後身擲入井先命提轄以土盒提轄遂實之以土人皆哀之

二十二日壬寅就江都縣築壇南郊大赦天下門下觀會通以行禮莫嚴定位以交神遠罪疾而弭裁亦或因時而致禱朕紹承大統誕受多方屬當外患之相仍爰省四方而臨幸念父母兄弟尚屈於敵疆惟甲冑干戈再淹於歲序問寢關溫清之奉在原深急難之情信使屢

馳久猶未報金師再遣坐待底寧復竊盜之無良乘邊陲之多事馮陵州縣震擾民氓衣冠傾仆於道塗耒耜荒殘於本業行者未知所適居者莫獲其安傷閭里之疾苦則撫循之政尚愆問行陣之勤勞則休息之期猶遠每撫心而及此屢當食以興嗟險阻艱難固脩嘗矣勞來安集尚未有之豈非德之敢圖惟上穹之悔禍永懷眷祐恭俟監臨雖茲多壘之辰適在當郊之歲惟祭或祈或報必稽於時物之儀而禮之有儉有豐特視情欽定四庫全書

三朝北盟會編
卷一百十九

文之稱是用謀有虞東巡之制循建武二成之規新黼冕以嚴恭建胥徒而齋沐蓋高在上聰明皆自於我民與善惟人治亂無艱於天位既殫誠惻惻極戰兢仰覆育之何心詎存時怨况顛危之已甚寧至我遺疾呼反本而必聞精意默通而可動庶幾來假或厭多難新命舊邦協幽明而並貺此疆爾界一內外以均安其敷曠蕩之恩已廣寵鴻之施可大赦天下於戲為斯民而請命敢忘庶民之無辜置大器於復安實冀昊天之所

子尚賴六服羣辟三事大夫共宏恢復之功亟底隆平之業 邵興敗金人於絳州曲沃縣 知濟南府劉豫權知淄州李某附於金人初李成敗於劉光世也轉至淄州攻擊僅兩月不下廸功李某權知州固守之城糧漸盡侵濟南府界擾於外邑淄州求救於滄州劉錫濟南府亦求救於滄州兩州皆堅守拒城以待外援會金人侵山東先至濟南府劉豫謂滄州救兵來矣既不為守禦備開納之乃金人也遂就投拜金人未至淄州前欽定四庫全書 三朝北盟會編 卷一百十九 六

一日成起軍轉城而似欲退去者淄州人疑之莫測其故俄而擺列諸軍於城下盡發諸寨老小先行是夜神霄宮火焚燒諸寨淄州人謂成果退去矣翌日金人軍馬逼城淄州人亦謂是滄州救兵乃具香花於城上望塵歡譟既而知是金人遂就投拜金人謂自入南界未有如濟南府淄州秋毫不動而投拜者大喜之自後金人據有中原諸州皆屯戍女真契丹軍唯濟南府淄州並無一人一騎 韓世忠為御營平寇左將軍領兵一

萬軍京東金人侵京東故命韓世忠軍於京東以措置之 劉正彥為御營平寇右將軍 王倫上書乞入金迎請二聖加朝奉郎充通問使朕惟彊事未寧親庭在遠夙宵軫念庶孝弟通於神明物色求人倘忠信行於蠻貊眷茲久矣今乃得之以爾胃出公侯胸蕙勇智言念主憂而臣辱何有於生如皆以秩而任勞孰當其責雖淹回之未試獨慷慨以請行宜升郎秩之榮仍委使華之重朕既俯同晉國用魏絳以和戎爾其遠慕侯欽定四庫全書 三朝北盟會編 卷一百十九 七

生御太公而歸漢勿憚徂征之遠佇期歸報之休倫以修職郎改朝奉郎充大金通問使詔成百官朕承祖宗有道之長賴懇獻戴宋之舊嗣守神器適歲當郊祫見皇天后土慨念父母兄弟越在他邦宗廟社稷之托中更異姓一時赤子塗炭靡依獨予一人嚮勤於外天其或者俾復大業保乂斯民以導迎南還之御惟茲肇祀實報以祈朕齋慄存念大惧非德弗獲顧敢乃先事三日繁陰凝翳潤不至濡震於朕心罔承靈祉逮祖廟及

壇垂象爍炳夜氣晏溫霽澄霄霽迄用成禮顧朕眇昧罔有一二敢曰聲聞於上實惟祖宗之靈相佑在天惟爾萬方有衆不替忠順協於天心朕既獲祗事勿敢謂幸矧敢怠康方恐懼修省以承天眷念與爾有同體共利與各迪乃心無拂於上下神祇共迎景貺以宏濟多方艱用誕告於率土惟世理亂在臣庶戚休無有大小遠邇惟底寧爾國則亦寧爾家爾躬在馬股肱大臣其同寅協恭思難圖易輔朕不逮以倡百辟論思獻納之

欽定四庫全書

三朝北盟會編
卷一百十九

官若耳目風憲左右侍御有言達於予聽必忠必誠毋奪於私凡百有官君子飭躬謹行惟職業自修守令部使者暨爾僚佐有為有行其必曰毋傷於民毋害於國無及爾暨爾家則獲神休而永終譽中外爪牙之臣賈勇敵愾思建戡難之勲以懋遠圖毋怠名節之羞軍民戰士咸奮忠力遂爾寵榮至於失業無依哨聚林藪怙衆為暴殺掠無辜當思神明譴殛之報應甚影響古今誅討之刑雖緩必正革心自効掩罪以功錫爾官爵永

維我國家之用朕信不渝嗚呼天道福善禍淫助順討惡疎而不失股肱大臣暨爾萬方有衆咸思寅畏冀天悔禍救民塗炭復我父母兄弟宗族臣民躋世隆平與萬世有衆共之咸孚朕志毋苟目前之安尚有賞刑為爾後報

十二月五日乙卯隆祐皇太后至杭州隆祐皇太后至杭州以州治為行宮扈從統制官苗傅等圍住於奉國寺

欽定四庫全書

三朝北盟會編
卷一百十九

十日庚申金人攻東平府知軍府事權邦彥棄城走遺史曰權邦彥字朝美崇寧四年進士釋褐登第靖康間知兗州以兵赴元帥府勤王建炎二年代盧益知東平府孔彥舟為鉉轄邦彥與之不和邦彥領兵叛去至是金人攻東平府邦彥不能守棄城遁去降授朝散大夫金人陷東平府

十四日甲子金人陷北京河北提點刑獄公事郭永死之金人攻北京北京留守張益謙轉運使裴億提點刑

獄公事郭永共守之益謙億齷齪小人守志不固唯永率士晝夜乘城伺間則出兵擊之或勸益謙委城遁去永曰北門所以遮蔽梁宋敵得志則席捲而朝廷危矣借力不敵猶當死守徐挫其鋒以待外援奈何棄之因募士賁帛晝夜縋城出告急於朝廷且請朝廷為敵脩金人攻愈急得東平府濟南人大呼城下曰二郡已降降者富貴不降無噍類益謙相顧色動永大言曰今日正吾脩盡節之時不宜有二乃行城撫將士曰王師至矣吾城堅汝輩當努力敵不足畏也衆皆感泣甲子朔明大霧四塞敵以斷碑殘礮為砲樓櫓皆壞左右蒙頭而立有碎首者良久城陷永安坐城樓上或掖之以歸諸子環泣請去永曰吾世受國恩當以死報然巢傾卵覆汝輩亦將何之茲命也奚恤益謙迎降尼堪曰城破而降何也二人皆言郭永不肯降尼堪遣騎召永永正衣冠向南再拜訖易幅巾而入尼堪曰阻降者誰永熟視久之曰不降者我也尚奚問尼堪見永狀貌魁傑且夙聞

其賢乃自為好語數十言欲以富貴啗永而降之永瞑目唾罵曰無知之輩恨不醢爾以報國家何說降乎堪令譯者申諭不已永戟手怒罵不絕尼堪惡其言麾之使去永復厲聲曰何不速殺我我死當率義鬼悉滅爾曹大名人在係者無不以手加額為之出淚尼堪令斷所舉手并其家屬害之時年五十三即日傳語城中雖素不與永合者亦相向慟哭金人去相與負其尸瘞之永字謹思大名府元城人天資雄毅氣剛直長七尺美鬚髯望若神人博通古今得錢即以買書藏書萬卷因事為錄文皆可傳而不求人知見古人立名節者未嘗不慨然掩卷終日而尤慕顏魯公為人喜面折人過退無後言聞秋毫之善必獎成如不及與人交輕財篤義而於吏治精明紹興初贈中政大夫資政殿學士謚勇節十五日乙丑黃潛善為尚書左僕射同中書門下平章事汪伯彥為尚書右僕射同中書門下平章事制曰宰天下之平實係秉鈞之重揚大廷之號丕昭顯俊之公

若時登庸訪予落止敵兵未殄有朽索馭六馬之憂國
步方艱如抱火厝積薪之上臨朝興歎當饋靡寧眷求
四獄百揆之賢圖回二帝三王之治必有任斯民之責
者庶幾選於衆而得之大中大夫知樞密院事御營副
使新安郡開國公食邑二千五百戶實封六百戶汪伯
彥惟老成人以儒術用德器羣公之表威名萬里之衝
頃佐命於戎衣久宣勞於樞筦歷時滋久雋譽益敷帝
賚有開潰水獲伯王之輔介藩作固顯史是社稷之臣

欽定四庫全書

三朝北盟會編
卷一百一十九

其遂相予無以易汝宜體仰承之意益昭共政之元進
躡文階陪茲真食便蕃物采庸示眷懷於戲無競維人
非賢不任成湯之學伊尹有不召之臣大舜之舉皋陶
而不仁者遠往宣一德用格多盤可特授正議大夫守
尚書右僕射中書侍郎依前御營副使食邑七百戶食
實封三百戶封如故汪伯彥時政記曰黃潛善汪伯
彥進謝上曰潛善作左相伯彥作右相朕何患事不濟
伯彥昨知相州甚有政聲事朕備嘗險阻知其忠實潛

善伯彥更同心濟助以副朕考慎之意金人陷虢
州

十九日己巳李彥仙敗烏魯貝勒於陝州

二十一日辛未金人薄青州殿中侍御史張守撫諭
京城遺史曰先是朝廷措置防秋朝士紛然求去殿中
侍御史張守上書曰比年綱紀隳壞風俗凋薄士大夫
無奉公守節之誠為全身遠害之計一旦緩急委君父
而不顧此靖康之末可為痛哭流涕者也防秋在期方

欽定四庫全書

三朝北盟會編
卷一百一十九

事脩禦而職事官各該使私而去則國家何賴邪乞揭
榜朝堂明示勅戒上納其言時邊事未寧詔百官具所
見聞奏守即上防淮渡江利害各六條大槩尤以遠斥
堠探報為先別疏論金人趨淮甸之路有四宜取四路
帥臣守令詮擇能否各賜緡錢齎之募戰士儲芻粟繕
甲兵明斥堠公賞罰使之夙夜盡力扞蔽疏至再上宰
相黃潛善汪伯彥忘外患恃江淮為險無經濟遠謀忽
畧其言不用守又乞詔執政大臣惟以治軍旅選將帥

嚴守禦搜人才係政事之大者凡細微不急之務付之都司六曹惟防秋是圖潛善伯彥溫不悅乃請遣守撫諭京城守不復還矣階辭上諭之曰當不次用卿即日就道

欽定四庫全書

三朝北盟會編
卷一百十九

十四

三朝北盟會編卷一百十九

欽定四庫全書

三朝北盟會編卷一百二十

宋 徐夢莘 撰

炎興下帙

起建炎三年正月盡二月三日壬子

建炎三年正月車駕駐蹕揚州翟興為京西北路馬步軍都總管兼安撫制置使兼河南尹兼西京南北路招捉使翟興為京西北路兵馬鈐轄與楊進戰於鳴皋山下

欽定四庫全書

三朝北盟會編
卷一百二十

一

翟進死之興以其事訴於朝乞選重臣鎮守朝廷就命興本路馬步都總管兼安撫制置使兼河南尹兼京西南北路招捉使 京西留守杜充遣王漢說翟興使圖楊進楊進據河南府以留守司命為知河南府與翟興屢戰進於鳴皋山之北深溝高壘儲蓄糧餉謀為久計已有脅竊之意詐言入雲中府復奪聖皇帝及濟王歸欲搖動衆心然後舉事杜充乃遣王漢詣伊陽縣見翟興說興使圖之直檄報楊進置乘輿法物儀仗悖逆

顯著翟興破賊自此益力與子崧率鄉兵時出擾之戰無虛日矣

六日乙酉劉誨王貺奉使金國回先是已遣宇文虛中楊可輔為祈請使副使於金國再議遣宣議郎偕中大夫試戶部尚書劉誨通問使拱衛大夫合州防禦使王貺副之誨等到京師遲遲其行上聞之命留守司促誨等行到金國金國并命祈請使人宇文虛中楊可輔偕到行在誨字廷誨開封人 金人陷青州 金人薄青州晝夜

欽定四庫全書

三朝北盟會編
卷一百二十

攻掣凡一十七日丁亥城陷焚燒屋宇殆盡殺掠無遺時權知州魏某被害 金人陷濰州 金人既陷青州即率兵攻濰州又陷其城焚燒殺掠而去 軍卒間舉據濰州自稱知軍州事金人既退濰州而去牛頭河土軍間舉與小教頭張成鼓衆占濰州舉自為知州以成為昌縣知縣

十七日己丑遣祈請大金國信使李鄴周望等 汪伯彥時政記曰是日內殿早朝奏事畢上語宰執曰第四次

祈請大金國信使副李鄴周望宋彥通吳德休宜早令進發與定日使鄴輩知之朱勝非曰奉使須得賜金帛方能辦私覲李鄴周望已見辟免所進官職耻更自乞支賜恐未能便行上曰於格合得自請何傷黃潛善曰朝廷當為檢舉只今行下上曰朕奉使時當京城擾攘受命出門都不曾請支賜朕於王府自出隨行起發之費約支錢五萬餘貫如士大夫之貧如何可辦令鄴等依格支賜外仍復優加其數國家愛惜財物正為收積

欽定四庫全書

三朝北盟會編
卷一百二十

以待當時之用今遣使議和事若遂成二聖得歸朕豈吝金帛之數潛善曰第二第三次奉使劉誨楊可輔王貺歸自軍前皆云金人受私覲物又非昔比更無回答雖貪饕者衆不敢少忤其意恐生事造語有害和議今遣使支賜加數甚善上又曰卿等今日往仁壽寺奉安會聖宮御容早歸私第潛善與拱了大金元帥書令鄴等早行潛善曰與元帥書自來只是平文不用四六上曰潛善早來所拱與大金皇帝通問書其詞語甚

精能寫朕欲言之意足矣不必須四六也

十二日辛卯邵興敗金人於潼關克虢州邵興敗金人於潼關乘勢收復虢州李彥以興知虢州軍州事

十六日杜充出兵攻張用等不勝張用相州湯陰縣之弓手也乘民警急呼而聚之與曹成李宏馬友為義兄弟有衆數十萬分為六軍成太名府外黃縣人因殺人投拱聖指揮為兵有膂力軍中服其勇又有王大郎者名善濮州人亦有衆數十萬分為六軍善初為亂也濮

欽定四庫全書

三朝北盟會編
卷一百二十

川弓兵執其父殺之善有衆既盛乃以報父讐為薛攻濮州不下又攻雷澤縣亦不下與用合軍皆受留守宗澤招安既而復反杜充為留守又招安屯于京城之南南御園為中軍善屯於京城之東劉家寺為中軍又有岳飛桑仲馬臯李寶諸軍皆屯于京城之西充以用一軍最盛終必難制乃有攻之之意甲午充掩不備出兵攻用令城西諸軍皆發岳飛桑仲馬臯李寶等皆率兵至城南以擣用覺之勒兵拒戰亦會善自城東率兵與

用為應官兵大敗賽闊索李寶被執岳飛者初隸張所

營勅用飛隨都統制王奇往太行山遂自為一軍後歸

京城留守司杜充用飛為統制劉洪道知青州先是

濱州葛進作亂殺官吏劫財物取強壯充軍留守司差

尚大猷知濱州進依舊屯於濱州以其衆皆面刺十

字曰永不負趙王誓不捨金人以示衆葛進嘗率衆劫

潞縣金人寨得劉洪道者字資深青州人進士及第曾

任楚州州學教授監六部架閣庫先遣金人驅擄在

欽定四庫全書

三朝北盟會編
卷一百二十

潞縣寨中進以洪道歸濱州俄報青州有將兵之變安

撫使曾孝序被殺洪道說進令申聞朝廷及申留守使

乞已知青州進然之遂與大猷同具申既而留守司回

報果令洪道知青州洪道未行會金人殘破青州殺權

知州魏某而去趙勝據其城洪道乃移文與勝而後行至

千乘勝聞洪道至失措即馳至千乘謂洪道曰但交割

本州民事而已軍馬公自統之勝喜洪道索從道等具

衛儀而入遂為知州洪道揭榜百姓在軍中願歸農者

給據放還於是勝之黨十去六七而勝之勢弱矣有崔邦弼者子弟所出身仕青州因勤王不到京城而回還不出洪道尋致之為將官賜青州劉洪道獎諭勅書爾履百戰之軍鋒保一方之生齒訖臻寧謐備見忠勤然方面之權豈容或二軍中之令尤在至公必愜輿情方收羣力儻習因循之弊坐乖綏禦之方無以馭戎便成誤國其體倚毗之意無從牽制之私張俊請移左

藏庫於鎮江府不報金人陷徐州知軍州事王復被

欽定四庫全書

三朝北盟會編
卷一百二十

殺金人將攻揚州先陷徐州入其城知軍州事王復死於庭下有將校趙立者為州衙排軍發憤鼓率將兵殺退金人出城立被傷金人以為死矣立在草莽中夜得微雨漸復蕪金人往揚州而軍民鄭詩秀才權知州事既而軍民衆議以謂立忠勇能辦事可以為城民之主乃請立權知州事聞于留守司授立武德大夫兼閬門宣贊舍人知徐州軍事

二十一日庚子禁百官搬家出城邊報屢至朝廷未有

禦之之策宰相潛善伯彥殊不介意人皆危之有般

徙出城為避難之計者潛善伯彥慮恐搖動衆心乃禁

百官搬家出城市井驚惶益不安矣張守為起居郎

張守以殿中侍御史撫諭京師還行在面奏金人必來

願陛下早圖之毋使宗廟生靈坐罹塗炭上為之惻然

即除守起居郎張用王善寇陳州馬臯追之官軍戰

敗張用王善在京城下與官軍戰既執李寶乃為杜充

終有疑心不可留連率衆南至陳州充遣馬臯追擊之

欽定四庫全書

三朝北盟會編
卷一百二十

用猶未知也約軍會教場排列忽報京城有軍至臯率

衆乘其不備直犯其中軍後軍奔至曹城寨為城所遏

皆止用復與善等併攻官軍官軍大敗尸填蔡河人馬

皆踐尸而渡追至鉄爐步而還官軍存者無幾葛進

衆寇青州劉洪道知青州於金人殘破之後市城焚戮

殆盡而諸邑富饒洪道招輯百姓不旬日間喧隘城市

葛進為洪道知青州蓋因已所致且趙勝已死而輯治

漸有條理欲取青州乃率衆同向大猷至城下洪道曰

葛進之兵皆衣下櫟甲此欲襲取其城耳遂闔扉不納以酒肉米麴鉤城下犒其衆進不受遂攻北城而據之洪道以軍民居南城拒守韓世忠退屯宿遷韓世忠屯於淮陽將會山東諸寇以拒金人金人尼堪方圖維揚大舉兵自京東入侵至滕縣聞世忠扼淮陽恐稽帥期分東南道都統兵一萬先至揚州以議事為名使上不得出揚州然後大兵繼至或謂肅王在軍中同其事未詳尼堪以大軍進迎世忠世忠不能當夜退於宿遷欽定四庫全書 三朝北盟會編 卷一百二十

縣未曉至宿遷不虞金人踵襲其後質明覺之奔于沫陽遺史曰韓世忠在沫陽夜寢不安與其帳下乘夜渡潮水大棄其軍由沙路走鹽城翌旦諸軍方覺知以主帥既去遂皆潰散後軍管隊官李彥先率本隊四十人得二舟入海聚衆自此輔達聚衆於連水李在據高郵皆世忠之兵也其收散卒自為徒黨者不勝計知淮南軍某叛附於金人韓世忠既退淮陽軍也金人已到城下知軍某望風投拜金人入城執某而去淮陽

無知軍有將校二人自權知軍據城折可求以麟府州晉寧州軍叛附於金人三十日已酉閏瑾棄泗州率衆走金人自滕縣直趨臨淮縣蓋金人裝鉄騎白氈笠子閏瑾屯在泗州初聞京東羣寇不寧至是探者回以謂白氈笠子劉忠賊馬犯臨淮或謂是李成從黨瑾以兵進之遇遊騎一二千人猶未知是金人瑾獲數人以歸驗之乃金人遂解生口一二人赴行在已酉金人及泗州瑾率衆出奔金人欽定四庫全書 三朝北盟會編 卷一百二十

徑趨泗州之上數十里間計直渡淮二月一日庚戌朔金人攻楚州知州事朱琳叛降於金人金人侵淮以支軍犯楚州知州事朱琳具款狀遣人迎降開西北門納金人開東門放居人自便居人爭奔欲走寶應縣取揚州路渡江金人覺之皆邀回城中尼堪自東平由襲慶徐泗以犯揚州節要曰自建炎二年秋鄂勒歡既破五馬山寨以探知大軍南來使人馳會尼堪共備之故尼堪留烏舍伊都守雲中率衆南

下也尼堪初下太行由懷衛將欲東會鄂勒歡而聞馬政敗於青州鄂勒歡從而入戰由是尼堪以渡黎陽以攻澶濮既陷時杜充守東京金人西來決大河阻之敵不能西乃東會鄂勒歡衆同陷北京繼攻鄆故至是由泗以犯揚遺史曰是時邊報屢至市井皆知金人兵將至者而宰相黃潛善汪伯彥禁止街市不得扇搖邊事亦不許士庶搬挈出城二月朔夜閔瑾解到金人生口朝廷以內帑所有通夕搬挈翌旦駕御舟泊河岸居欽定四庫全書

欽定四庫全書

五朝北盟會編

十一

人驚怖不知所為上即欲南幸潛善等勸且候報得實渡江未晚也是日遣兵出西門禦敵士氣不銳人無闘心在職百官皆欲奔竄是夜江都縣前火

二日辛亥閔瑾為其將姚端所殺閔瑾退兵在洪澤鎮姚端篡殺之是日也揚州士民漸有出奔者官司不能禁止是夜城中火起凡四處

三日壬子金人陷天長軍朝廷以邊報急方出兵往天長把隘金人又圍天長官軍潰散是時上遣內侍鄺詢

往天長探事審知是金人即時奔還潰亂人與軍人聞報皆馳而去猶未知是金人也詢既回乃知端的上大驚決意渡江車駕發舟渡揚子江幸潤州上得鄺詢不移刻出揚州都統王淵內侍康履等數騎從過市市人指之曰官家去也俄有宮人自大內星散而出城中大亂宰相潛善伯彥自都堂鞭馬而去軍民爭諸門而出死者不可計數上行次楊子橋見一親事官發言不避上掣手劍親殺之行至瓜州鎮得小渡船即乘以渡江欽定四庫全書

欽定四庫全書

五朝北盟會編

十一

至西津口坐於水府廟中取劍就靴上擦血百官皆不至護衛禁兵無一卒從行者鎮江府官吏聞之知軍府事錢伯言發州兵迎請幸鎮江少頃漸有百司人得舟南渡者夜上宿於府治宰相從官皆議幸杭州未決而聞禁衛涕泣且籍籍相偶語上驚命朱勝非及官軍左言傳旨問所以勝非呼之前使言屬聲傳問皆以未見家屬為辭即諭之曰已有旨分遣舟船專渡衛士妻孥矣衆帖然因問車駕去住利害衆曰聽聖旨無敢諱者乃

諭以駐蹕定當錄扈從功勞優賜賞給遂皆欣諾上問
有近上宗室否時士霖為曹官或以名對遂召士霖同
寢天氣稍暄脫綿背心以賜彰金人入揚州揚州百
姓謂上渡江萬人爭門而去見金人遊騎到乃喧呼言
我揚州有主矣遂家家備香花投拜金人入城聞上所
在衆曰渡江矣金人乃馳瓜州望江而復回官軍吏民
死者數十萬先是宗廟御器國家府庫軍庫儲積及勢
貴之家裝船欲渡江至瓜州聞潮水不應而金人已至出
欽定四庫全書

三朝北盟會編
卷一百二十

聞得渡者百無一二其餘皆遭擄掠不盡者悉縱火焚
金人屯於摘星橋下是時簽書淮南節度判官廳公事
吳玠權州

三朝北盟會編卷一百二十

欽定四庫全書

三朝北盟會編卷一百二十一

宋 徐夢莘 撰

炎興下帙

起建炎三年二月三日壬子盡十一日庚申

維揚巡幸紀曰建炎戊申冬自鄆濮相繼陷破之後金
人橫行山東加以李成諸寇乘亂為孽不可悉數是時
黃潛善濫秉大政汪伯彥謬居樞筦裁處亡術探謀不
欽定四庫全書

三朝北盟會編
卷一百二十一

明未嘗得諸賊要領亦恬不介意致強寇奄至亡以應
敵十二月十九日黃潛善遷左僕射盧益知樞密院事
當是時泗州屢有警報而朝廷諸公謂小盜易殄滅或
曰李成餘黨亡足畏也先是李成後軍在宿州叛去成
以追奔為名遂與俱合朝廷遣劉光世出軍討賊光世
既至山東與成接戰王師屢至敗績賴統制苗傅力戰
得免成軍遂潰擒敗將數人而成一軍俱走光世不能
得但以所擒之人歸行在光世復加檢校少傅而李成